

ჩავიფიქრე სიტყვა

მოსწავლეებმა უნდა გაამთლიანონ მასწავლებლის მიერ ნაკარნახევი, ბგერებად დაშლილი სიტყვა და გამოიცნონ, რა სიტყვა ჩავიფიქრა მასწავლებელმა.



კლასი: I

მუშაობის ფორმა: მთელი კლასი

რესურსი: სპეციალური რესურსი საჭირო არ არის.

მსვლელობა

- მასწავლებელი ან რომელიმე მოსწავლე წამღერებით ეუბნება ბავშვებს:

მე ჩავიფიქრე სიტყვა,
 აბა, დამიგდეთ ყური,
 სულ არის ხუთი ბგერა,
 სულაც არ არის რთული:

ს _ ა _ ხ _ ლ _ ი

- ბავშვებმა უნდა გაამთლიანონ მასწავლებლის/თანაკლასელის მიერ ნაკარნახევი ბგერები, გამოიცნონ, რა სიტყვაა ჩავიფიქრებული და უპასუხონ:

თქვენ ჩავიფიქრეთ სიტყვა,
 ჩვენ კი დამიგდეთ ყური,
 სულ არის ხუთი ბგერა,
 სულაც არ არის რთული,

სახლი

შენიშვნა: აქტივობის დაწყება სასურველია ხშირი სამ- და ოთხბგერიანი სიტყვებით. მასწავლებელმა ხშირად უნდა ცვალოს სიტყვები და თანდათანობით გაართულოს ისინი.

